

Het Bombakkes

Plechtige uitgave van de Gennepsche Vastelaovendklup

Kriede ieder jaor - No. 1.

REDAKSIE: HÖLTJE EN DE REST - SPOORSTRAOT 151, GENNEP



PROCLAMATIE van den Prins

BOMBAKKESERS EN BOMBAKKESINNEN

en vröllie èn kèls, die zich ienteressieren
vör 't rijk van Teun den ursten,
Prins van Bombakkië!

Als Prins Teun den Urste, regeerende
ovver de vastenaovendgekken van „Het
Bombakkes”, vuul ik mien ten zeerste ge-
troffe dur de eer, die mien as zoodanig te
beurt is gevalle!

Mien verkiezing hèt de raod van elf nie
veul kopzörg gekost. Ze hoefde ummers
mar den grötsten idioot en gek üt te zükken.
Kleine èrrepulvrèters en Gennepsche keie-
schieters, ik belaoft: mit behulp van de
Raod van Elf, en ullie zelf, den vastenaov-
vend zu plezierig mogelijk te make.

De functie van de Raod zien as volgt
verdeeld:

1. Vorst Bombakkus (President)
't Höltje
2. De Pennelekker (Schriftwèrk)
't Hülske
3. Min. v. d. Spaon (Penningmèster)
't Mölepèrd
4. Min. van Afweergeschut (Defensie)
De Platte
5. De Feestmèster (Ceremoniemèster)
De Leemknots
6. Minister van Versiering
De Suilekønning
7. Minister van Prüfvrziening
Hüp Den Bierpul
8. Minister van Verkeer
Rits De Loemmel
9. Minister van Pers en Propaganda
Den Golden Brür
10. Minister van Algemeene Zaken
Piet van Piet ziene Piet.

De Jeepkes benoem ik tot Oppernotekra-
kers van het Rijk. De onderdane benoem
ik tot leje van de Hofzangkappel en Urste
Glasblaozers.

De woningnood wurd opgelost en gedu-
rende drie daag hedde logies bij Nöl van
Piet van Nöl.

De gekste minsche zien de bête onder-
dane van mien rijk. Roddele is nie toege-
staoen, ge mögt gèn kwaod sprèke, alleen
mar mekaar um de nek valle en aflekkè
ien eer en deugd. 't Knalle en boemze ien
't Rijkswald is afgelope, knalle dün we
now zelf anders schiet de Prins mit zien
eige knunneke trug. We laote de mure en
taofels bibbere mar we make niks kapot.
D'r mag niks geschud worre ien 't ver-
keerde kèlsgat, de kraon van 't befet mot
gloeïend drèje en allemaol motte we rond
springe mit enne gloeiende kop.

Op 't Schadebükske mag geprüft worre
als d'r tenminste iemand is, die vör elk
glèske ien de pen wil klimme èn briefke
schrief en op en neer löpt naor de Heijen-
scheweg.

D'r is èn telegram gestuurd naor Paoter
de Greef vör èn actie te beginne ien eles-
tieke rüte, vanwege 't boemze. Mitge-
brochte dranken, vöral alde klaore, wurd
ien beslag genome en gebrükt om de Prins
en ziene raod op de been te halde.

De vastenaovendliedjes motte hard mit-
gezonge worre, den niet kan zinge mot
mar urst ennen immer cooks opvrète. As
ge ziek wordt mögde nie ien den hoed van
èn ander spijs, wel ien owwen eige. Fietse,
karre en krujwagens mögde nie mit brèn-
ge op 't Prinsebal wel ennen hoop geld.
Dengene dèn nie mèr alleen naor hüs kan,
wörd onder ennen putring platgewald en
onder de deur dörgeschoove. Ge mot goed
lusteren naor de Ceremoniemèster, onze
Leemknots, en de vijfklats mot zo geslage
worre dat ow hand mit Posse nog tintelt.

Verdere punte worre nog verzameld èn
ien èn extra proclamatie op Zondag 16
Febrewarie um elf uur + 5 maal 11 m. ten
gehöre van heel Gennep eigemondig dör
mien, Priens Teun den Urste, afgelèze.

Ons wapen is „Het Bombakkes” dat wij
opzette um onzen schijn te verberge en mit
't „Bombakkes” vür te laote zien wat wij
eigelek vür minsche zien.

Ons devies is „Hoe gekker, hoe mojer”
en mit deze worde op onze snüte sneuvele
wij. Ik hëb gezèt.

Carnavalsmarsch

(Bekroond)

Iens ons kleine stèdje
En de Niers en Maos
Is carnaval een feest
Düt en ieder dwaos
Mit de vastenaovond
Het ènieder pret,
Gèt ènieder en de zwier
Bombakkes opgezet
Opgepaast, opgepaast
Nou kumt 't lied
dat elk verraast.

Refrein:

Op het vastenaovondbal
Düt ènieder ger is mal
Kumt ènieder üt de ploj
En dan haals nou gen gekloj
Motte zien wat get ie moj
Op het vastenaovondbal
Drinken dames niks as „Knal”.
Lève Bom, lève Bak, lève Kus,
Laot ie fijn zien lieve zus.

Mit die gekke dage
Stèt alles op de kop,
Bliëft gen fles mer ien de kaast
Züpen alles op.
Kumt de Prins is kieke
Of ieder vrolijk is
Rüpt het hele stel ien koor
Slaot mar op de kis(t)
Opgepaast, opgepaast
Nou kumt 't lied,
Dat elk verraast.

Refrein:

GEKKE,

Er is gelègenheid um zich mit den
auto nor de zaol te laote rije vör vief-
tig cent per persoon. Enmelde bij Jan
Jetten of Pierre Janssen.

PROGRAMMA:

1. Zaoterdag 15 Februari 's middags um 2 uur
graties kiendervörstèlling ien de zaol van
Hotel van Bèn vör alle kiender üt de ge-
meente Gennep.
Het programma bestèt üt èn poppespel ien
3 bedrieve gevolgd dör goochelture èn tot
slot èn geïmprovisierde zangwedstrijd.
2. Zondag 16 Februari 's mènes um 11 uur
plus 11 maal 5 minute van het Ministerie-
gebouw Spoorstraot 137, de proclamatie
van den Prins.
Daornao zal ien het Paleis van den Prins,
øk Spoorstr. 137, receptie gehaolde worre.
Nao de receptie de Prinselijke reijtoer dör
Gennep.
3. Mondag 17 Februari, Prinsebal.
Envang 7 uur.

Ut den Raod van Ellef

De Vörsitter opent de vergadering en zèt dat de Sekretaris van dat grei van den vörrigen keer wel vör zal lêze. De Sekretaris kucht enne keer, snuift zien neus üt, kiek dan 's efkes roond en begeent dan te lêze. Hij hèt vijf vol geschreve blad-zijde vör zich ligge.

De Vörsitter hèt zienen hamer er nêr gelêt en zèt zienen rechter ellebaog op de taofel; zienen kop lêt ie ien de haand en zèt dat ie een en al endacht is. De leje zien d'er allemaol. Ze hêbbe zich ien den stoel nêrgezêt en lüsteren nor wat de Sik d'r van gemakt hêt.

As 'n minuut of vijf de dreun van den Sik dör de rümte gekloonken hêt, zien d'r vier leje al mit heure kop en 't balleciëren. Nog gèn minuut lätter begeent raodslid Platte te snürken of ie op ennen verroesten spieker zit; de aandere drie hêbbe hunnen kop op de borst hange en zien ok weg. De rest zit dör 't raam nor bütte te kieke en hêbbe d'r schik mit, dat op de Mèrt twee jonges mekaor an 't afrosse zien.

Dan boonst raodslid Platte mit zienen kop op de taofel. De heele zaak schrikt wakker. De Sik vliegt de deur üt.

— Waor is die bom gevalle? vraagt raodslid Den Golde, terwijl hij zich de ooge ütwerft.

— Och, kèl, ziet toch wiezer, den oorlog is toch afgeloop, zèt raodslid Meulepèrd.

— Wa was dá schrikke, zèt raodslid de Leemklots.

De Vörsitter zèt, dat raodslid De Platte ien 't belang van de gemeente niet mèr zò hard mit zienen kop mot boonze, anders löpt de zitting ien de war.

De Platte hèt zienen kop wêr opgebeurd en zèt dat ie zal prebiere wakker te blieve. „Zien we d'r al?” vraagt ie. „Waor?” vraagt de Vörsitter. „Och, ik bin geleuf ik, 'n bitje ien de boone... Ik dromde da'k en 't evakkeviere was”.

— Ja, enne meensch kan aordig ien de boone zitte, zèt raodslid Den Golden Brür. Motte heure, de vörrige wêek kom ik bij iemand en raot 's wat die en 't doe-oen was?

— Ze kunne zöveul doe-oen, zèt raodslid Bierpul.

— En 't gèld tälle, zèt raodslid Meulepèrd.

— En 't böm snoeje, raot raodslid Piet ziene Piet.

— Raot 't dan niemand?

De Vörsitter meent, dát de raod nie zò zwaor op de haand mot zien en stelt vör den Sik te gon zülke. Dat vörstel wêrd mit algemeene stemme engenome. As de Sik ien den schülkelder is gevoonde, gèt ie wêr van de nootule vörlêze.

As 't lètste woord is gevalle, vraagt raodslid Loemel het woord.

— Nie te lang make, hör, waarschouwt de Vörsitter.

— Mag ik dan nie zêgge wat ik mēen, of bin ik soms gèn raodslid?

— Jawel, meneer de Vörsitter, de Sulle is wêl raodslid, breengt raodslid Leemklots ien 't midden.

— Stemme... roe-oepe d'r zes tegeliek. — We zulle dan övergaon tot de stemming, zèt de Vörsitter. Wie is d'r tēge?

— Weij zêgge liever niks, zèt de woordvoerder van de groep den Staolen Driekus. Weij motte eürst vülling haalde.

— Hoe hêb ik 't now, meneer de Vörsitter, zèt wethouder Hülske. We zien verplicht hier rêcht vör onze meening üt te komme. As weij 't nie zêgge, wie mot 't dán doe-oen?

Holthöpke hêt moj gespröke, zèt raodslid De Platte. Weij motte d'r rêcht vör üt

durve komme. Zien weij de vertègenwoordigers van Gennep of nie?...

De Vörsitter zèt, dat de heeren nou pas verstandig beginne te praote. Het gemeentebelang wil hêbbe da we al oonze krachte ienspanne um van Gennep en luilekkerlaand te make.

— Ja, zèt raodslid Loemel, 't mos zò wied komme, da we allemol nie mèr hoefde te werreke. Iederen dag vijf of zes borrels en 'n halve ton bier en vör de rest jagen en visschen. Net as de Batteviere.

— Dor bin ik op tēge, zèt raodslid Bierpul. Zes borrels is vör 'n fatsoenlijk meensch vul 't wēnig. Mien vaoder zaoliger zei altied: drinkt klare jenever anders krijg je de mot in de maag...

— Prot mar Genneps, zèt raodslid Afzwaai, dan verston we ow allemol.

De Vörsitter zèt, dat de heeren d'r now gèn pötje van motte make. Goe-od is goe-od. As weij 't zò wied kunne schöppe dawie ieder mannelijk ienwoner bove de een en twintig jaor 'nnen borrel of vijf 's merges en ök zöveul 's middags kunne gēve, dan hêt de raod 't al 'n heel eind geschöpt.

— Mar d'r is tēgeworrig zò wēnig vischgrei, zèt Sulle.

— Dan mar jage, zèt de Sik.

De Vörsitter zèt, dat de heeren nie motte afdwaole. Zulle we d'r ovver stēme?

— Ik hêb 't nog nie goe-od begrepe, zèt raodslid Meulepèrd. Wat motte weij now doe-oen, jage of vissche?

— Allebei, roe-oepe de aandere tie-ien.

— Dan leg ik me d'r bei nêr.

— Dat is dan beslote, zèt de Vörsitter. Hêt nog iemes anders wa? Raodslid De Golde stêkt de vinger op.

— Ien de gang, lètste deur, zèt de Sik.

— Nee, nee, ik meen, ik wol 's praoten ovver dat vrieswêr van de vörrige daag. Kunne we oons nie 'ns ien verbiending stēlle mit 'De Bilt? Ik vien 't bar die kält. Is d'r now niks en te doe-oen? De raodsliden Hülske, Meulepèrd en Leemklots voonden 't ok kaald.

— Och wat, gillie kaaltfiesters, zèt raodslid Bierpul, gillie mos 's ien Friesland gezete hêbbe...

De Vörsitter wil nie hêbbe dat er smao-lend ovver aandere bevolkingsgroepen gespröke wêrd en begint te hamere. „Ik maak d'r 'n eind an”, zèt ie. „Niemes mèr wa te zêgge... nee... Dan slüt ik deez' welgeslaagde en vruchtbare zitting, ien de haup dat ze rijke vruchten moge afwerpen. As de Sik nog nie klaor is mit de nootule dan kan hij de volgende keer wieër gaon.

De zeuve slaopende leje worre mit de bel van den umroe-oeper wakker gemakt, ze vège den zeiver van de jas en gon er op dèn goeien afloop enne pakke.

Vastelaovend-gekken

Now we en de lètste daag vör ons Prinsebal zien, mot ik ollie nog een en ander laote weten. Op onze vergadering van de Raod van elf, is nog al 'ns de vraag gesteld: „Wat is er dèn avond te dreenke?”

Daorop is dör mien altied gezèt: „Mak aollie mar gèn zürg, tegen den tied hebbe we vöroorlogsch bier.

Hierop hêbben we dan ok gerèkend.

Now is jammer genoeg de aflevering van vöroorlogsch bier, niet dör onze Raod, mar dör onze Regeering afgewezen.

Da's natuurlijk enne dikken tēgevaller. want zonder iets pittigs te prüven, kriege we gèn stemming.

Nao, det bericht bin ik dan ok direct en 't werk gegaon, en is 't mien nao veul moeite gelukt, een en ander ter eere van onze Vastelaovend los te kriege.

Bezuukers van 't Prinsebal, mag ik ollie enraoien um dèn avond ien de bar van Nöl en Piet van Nöl ow neus is binnen te stēken. Daor zien verrassingen vör jong en alt.

De Raod verzuukt ollie er niet te veul mar vöral niet te wēnig, te vatte.

Mit Bombakkes groeten.

MINISTER VAN VERVOER, FOU-RAGE EN PRUUVERIJ

As ge mit de Vastenaovond de deure of kast hêt kapot gevalle, laot ze dan opknappe dör:

PIET PETERS

NIJMEEGSCHEWEG 33 — GENNEP

Smiet de rommel d'r mar nêr

(Motto: Kromme-Ellebog).

Smiet de rommel d'r mar nêr,
Trek 't pèkske now is en,
De vastenaovond stet wêr vur de deur,
De Prins gèt al aover straot,
Gevolgd d'r zien raod,
De feestvierders die gan now alle veur.
De vastenaovond, de vastenaovooooovond,
De vastenaovond is en feest veur allemaol!
De vastenaovond, de vastenaovooooovond,
De vastenaovond is en feest veur allemaol!

Jong, en aalt vienden 't fijn,
Ze hêbbe deez' daag veul gijn,
Vastenaovond is 't feest vur allemaol.
Eten en drinken is er dan zat,
Al is nao afloop de knip ok plat,
En we behoeve now ok lekker nie nor schöl,
De vastenaovond, de vastenaovooooovond,
De vastenaovond is en feest veur allemaol!
De vastenaovond, de vastenaovooooovond,
De vastenaovond is en feest veur allemaol!

En gaot now nor de mèrt,
Dor is de Prins mit ziene raod,
De andere staon verlopig op straot.
Dat dit stël regiere kan,
Ja daor wete we alles van,
Dat is 'ze allemaol toevertrouwd.
De raod van ëllef, de raod van ëëëllef,
De raod van ëllef ja, die wèt hoe 't mot.
De raod van ëllef, de raod van ëëëllef,
De raod van ëllef ja, die wèt hoe 't mot.

En den Burger hêt gezèt,
Wat de Prins zèt is now wèt,
Let dus goed op wat ie ollie now vertèlt.
Viert dus feest en dut mar gèk,
't Kumt mit deez' daag nie krek.
't Is vastenaovond, dus now begiiniene,
Dus now beginne we mit 't vastenaovondfeest.

UW SPECIAAL ADRES VOOR
GELUIDSINSTALLATIES
VERHUUR - REPARATIE
TECHNISCH BUREAU
A.J.v.d. BOGAERT
GENNEP

„GEKLEED of VERKLEED”

anders kom de d'r nie ien

Ik kan me vörstelle leje da ge zègt, ik wil wel gekleed naor 't Prinsebal gaon, mar ik kan nie en enne pandjas of brilletikker komme en en ander zal zêgge „enne jas” is nie 't ergste, mar ik kan nie en 'n gestripte boks komme.”

Goed! Onze garderobe is now eenmaol nie in en par jaor teds op vöroorlogsch peil, da wete wij allemaol heel goed.

Mar prakkezier dan ok nie langer ovver enne slippas of iets dergelijks en verkleed ow, da zien wij achteraf ok nog vul liever.

Now zul de misschien wêr zêgge: „Hoe mot ik now verkleed gaon, ik weet niks te prakkezieren”. Mar das onzin. Ge mot wat ütdenken, kumt ter nie op en hoe of wat. Hoe gekker hoe moijer. 't Is toch nie vör niks Carneval. Zò moeilek is 't echt nie as ge mar weelt. Warum zou de nie as ennen boer gaon?

Ennen kiel, 'n pet, de roje zakdoek um de nek, dan nog wat smink op de snüt en ge ziet klaor. Ik heb d'r 's gezien die verkleed ware as enne kachel. Wa alde benzinebussen, die de Tommy's hier plentie liete ligge, um den bük geklonke en ze hadde ennen nie onbelangrieke pries. Ennen andere, dèn 's merges bij den dokter zienen düm liet verbienden, liet den dokter net zò lang mit verband dödrèje tot ie 's aoves as mummie naor 't bal kon gaon.

Dink der mar en dat 't gèn gewoon bal is mar iets anders dan anders dus düt ow bèst, mit en bitje goeje wil kan iedereen wat prakkeziere. D'r zien inkele aordige pries vör de móiste groep de grötste gek enz... Da wiste misschien al en anders wette 't now. Dus luj, nogmaols; düt ow bèst as ge naor den „Bombakkesbal” komt. Ziede nie verkleed of ien 't zwart dan kom de der nie ien. Hierop hêt de Raod now iets gevoonde.

Zèt 'm op!

A. VAN BERGEN, Gzn.

Anecdote

Ge kènt natuurelek allang den bak van den veldwachter, dèn te diep ien 't glas had gekeke en enne wandelaar toeriep: „Halt afstappe”, terwijl de goeje minsche helemaal gènne fiets bij zich had enz.

Mar ien Siebengewald is 't gebeurd, dat de veldwachter 's aoves laot en groep jongeluj en wou halde mar dat ze allemaol der tusschenlüt ginge behalve de lètste, den trouw op 't bevel van den diender van ziene fiets stapte en vroeg wat ie mos. De veldwachter zei nog es „Halt, rijksambte-naar”.

„Oh!” zei de jong, „da's en moi bantje, ge mot zien da ge da ha-alt”.

En hij klom rap op ziene fiets en ging d'r hard tusschenlüt.

Het carnavalfeest van vroeger

Vrouwke, 't is Vastelaovend,
Ik kom nie thús vür aovond,
Ik kom nie thús vür mergevroeg,
Vrouwke is da nog tieds genoeg!

Zoo kloont, now meer dan viefzig jaor geleeje, de „Carnavalsschlager“ dör Genneps straote. Da begon 's Mondagmiddags mit de blage, die meerendeels verkleejd ien moeder's aalde gekaante boks en Vaoder's afgeleegde gekleejde jas en kübel, gewapend mit knuppel of verkesblaos, zingend en schojjend van hüs tot hüs trokke dör Genneps straote, weddend wie de meste cente beej elkaor kon schojje. — Wee dengene, den niks gaf! Ien koor wier er dan veur zien hüs gezonge:

Dit hüs, dit hüs stët op enne pin,
Dor woone niks dan pinne in!

Um van 't schandaol af te zien, gaf men dan mar gaauw 'n par cente —.

Nauwelijks echter kwam de eürste aovendschimering of da blagegrei mos plets make vür de groote gekke, die dan in allerley boonte kleere en raore uitbeeldingen van herberg tot herberg trokke, geschaud dör opgeschoote blage, vorschend wie achter die Bombakkusse schül ginge. — Triomfkreete kloontke dör de straot as Piet en zien kromme beene of Jan en zien manier van loope herkend wier —. Den wat op ziene kerfstok had, bleef wieselijk thüs, want ongezaalte wier hem den gross gewisseld, as ie zich op straot dierf laote zie-en. Wie herinnert zich nog „Veritas“ op den brandstapel? Bals kende men ien den tied nog nie, al kon men zoo now en dan wel is wat nao-apereej van stadsche kasgenaode zie-en.

Ja, oonze voraalders wisse oons te vertellen van gehaolde optochte op bierwages en boere-karre. Toen mot 't soms heel moj en gezellig gewest zien, mar zütjesen trok men nor het „grosze Vaterland“, wor me mit en par mark ien de tes zich tukuure kon. En zoo rakte het Carnavalsfeest hier ien Gennep ien verval!

Mar now is „Bombakkus“ gebore!!!
Laote we hope dat Prins Teun den Urste mit zienen Raod orien meuge slage enne gezoonde en frissche geest te blaose ien deze folklore, oons Noord-Limburgers eige en waardig.
Lève Bombakkus!

As ge nie wèt wa ge èn mot trekke....

Wat mot ik now mit 't Prinsebal en doen... Dèn Raod van Elf is gek. (Dat klopt daorum hedde gillie ze òk gekoze). Alles is now fulste duur en nie te kriege. Zal ik ollie now is zegge wat ik zou dooen:

Als ik op den Heijenschewèg wonde, ging als Wederopbouw mit groote actetasch vol papieren onder den erm. As ik ien de Hei wonde, ging ik als Docter mit den hoogen hoe-oed op.

Als ik op den Willem Boyenwèg wonde, ging ik as Papierfabriek (ge wèt wel mit zön rol op de rug).

Als ik en 't station wonde, ging ik as machinist of rangeerder mit blauwe kiel en toeter of mit de roolie pet van den chef.

As ik in de Gr. Kruusstraot wonde, ging ik als verpleegster.

As ik op de Spoorstraot wonde, ging ik ien en pekske van de Maasbuurt als conducteur of chauffeur.

As ik ien de Emmastraot wonde, ging ik als bier tönneke of bier plötje.

As ik ien de Zandstraot wonde, ging ik ter eere veur den prins als schoester, of ik lende 'n pekske van de post as brievebesteller.

As ik ien de Masstraot wonde, lende ik 't pekske van Jan van de Automaat of de witte Jas van Driekus.

As ik op Nimwègshewèg wonde, liet ik mien Maos- en Niersbode vür den bøl drukken.

As ik op de Ottersumshewèg wonde, ging ik als mölder heel ien 't wit (bloem).

As ik op de Masweg wonde, lende ik van de vèrman die moie witte pet.

As ik op 't Vörhoevepark wonde, lende ik de bel en de pet van den umroeper, of ik lende en pekske van de brandweër..

't Hoeft nie allemaol duur te zien, 't lit er mar en wie 't en hët en hoe ge 't en hët, want as ge mar verkleejd ziet komde d'r ien!

Bombakkesmarsch

We zette èns ien 't jaor
De bluumeke d'r uut
En duun dan allemaol
En bakkes vur de snuuf.
Dan gaon bij jong en aif
De beenen ien de hugt
Vur mienen kop dan vliegt
De kniezerd ien de lucht.

Re frein:

Bombakkes, Bombakkes
Laot ons saomen vrolijk sien
Bombakkes, Bombakkes
Da's de club van mien.

Het bombakkes da hält
Van de jeneverkruuk
Die bej zien wat ge nuumt
Twee händ' op enen buuk.
En worden we smij es zat
Dan hen we en bietje spiet
Mar 't is enen wieze mins
Die 't dur de vingers ziet.

Re frein:

Kriege we Tegewiend
De kraoge hoog zoo ver
We kruupe dan bej mekaor
En dat duun we ok nog gèr
En bej Prins Carnaval
Daor blief ik ien de buurt
En hoop dat Nöl van Piet
Aon hun de rekening stuurt.

Re frein:

Vanaovond schuppe we lol
En mèn dan zien we zeeg
We zien vanaovond vol
Mar de knip is merregen leeg
Het bombakkes, dat stët
Ien Gennep bovenaon
En 't is mien hartewens
Blief al tied mår bestaon.

Re frein:

VALT OW BOKS MAR KAPOT,
MAR ZÖRG DA GE BIJTIEDS
PUNTEN BIJ OW SNIJDER HET

Ge ku-unt ze wër ienlevere tot
1 Mèrt bi-j de Kleermakeri-j van

HARRIE FRANSSEN

SPOORSTRAOT 93 — GENNEP

Vör 't beste installatiewerk, lampkappe
en krone motte zien bij:

Gebr. van Duuren
ien de Zandstraot
te Gennep

JAC. JANSSEN

ZANDSTRAOT 50 - GENNEP

HET ADRES VÖR

Groente, Fruit Erdappele,
Conserve en Toffelzure.

Ok ien Gennep

Ok ien Limburg kunde feesten
Kan het bar gezellig zien
En ok Gennep's kliene stèdje
Mag de vrolijkheid ger zien.
Durrum is het carnavalsfeest
Ien ons stèdje steeds en pret
En enieder die is vrolijk,
Hèt de zotskap opgezet.

Laot 't met carnaval mar klinke
Hoog het glas daar git ie wer.
Laot enieder vrolijk wèze
Zingend dienend op en neer.
Op en Gennepse vastenaovond
Bliet gèn geske ien zien hüs,
Mar springt hossend dur de zalen
Met en heele hoop gedruus.

Re frein:

't Vastenaovondfeest
Dat is ons grötste feest
't Zien dage van gezelligheid,
Van Limburgs alde geest.
Enieder het plezier,
Er is geen flauw geklier;
Wees vrolijk, mak mar jool en gijn,
Op 't carnavalsfestijn.

De kèl den de zaak ien de zaol regelt, sprèkt:

As ceremoniemèster van 't Bombakkes mot ik ollie Bombakkese en Bombakkessinne en kort woordje hier nør schrieve.

Gillie mot ollie allemaol halde en de regels van den ceremoniemèster en doen wat hij en ollie vraagt. Ge meugt ok nie te zat worre, want dan kan ik ollie üt de zaol laote smiete en dat is nie zö moi.

Düt allemaol zö gek meugelijk en verkleejd ollie zö moi en gek meugelijk dan weet ik zeker dat onze aovend geweldig zal slagen.

Dus ge wèt 't now: luustert goed naor mien en düt wat ik en ollie vraag.

Tot slot wensch ik ollie allemaol enne plezierige vastenaovend en dan tot Maondag.

DE CEREMONIEMESTER.

EDAH waren

Niet te evenaren.

Ge hoeft mit de vastenaovend de schoèn
nie te ontzien.
Nao da feest komde mar bij mien.
Wij knappe ze wer op.
's Merges brenge... 's Avonds klaor
Ge kopt nje mit en zonder bon.
Poets ien alle kleure.
Ge wordt vorstelek bediend bij:

Prins TEUN den urste

ZANDSTRAOT 22 — GENNEP

BOMBAKKUSVRIENDE

Hèdde gèn kleer mèn en ow k.....
En zitte leeg en de gro-onde,
Makt ow dan nie dik
En verzink nie ien gesnik
Want wij dün ons best
En dan kumt vanzelf de rest.

De Klerewinkel van Verhasselt

ZANDSTRAOT — GENNEP

Vör nje fietse en
fietse te make

Kunde 't bèst bij

NOL WELBERS

OP DE ZANDSTRAOT GERAKE

Dames!

Vör de Carneval en mòi köpke laote make
BIJ KAPSALON

W. Bouwman

SPOORSTRAOT 145 — GENNEP

Speciaal adres vör gezichtsmassage.

Jansen's Machinehandel

SPOORSTRAAT — GENNEP

LEVERT U DE MEEST MODERNE EN
SOLIDE KINDERWAGENS

HALT!

Kopt bij ons gesnide waor
Hedde bonne 't is vör mekaor
Ok vorsch vleisch hebbe wij ien hüs
Minse blief ter nie vör tús
Kom is efkes engelope
Bij ons kunde 't bèste kope

Dat is bij WIM NOY op de Mèrt.

J. W. Noy-Wouters

Nao 't feest dan hedde kater,
Viskes zwemme ien 't water.
Mar ik heb ze ien 't zuur,
Extra lekker en nie duur.

J. Nikkessen
VISCHBEDRIJF — MARKT — GENNEP

Fa. E. H. Goossens

MANUFACTUREN
LEVENS MIDDELEN
SPOORSTRAAT — GENNEP

DROGISTERIJ EN FOTOHANDEL
M. A. Dorrestein-de Lauwere
Niersstraat 3 — Telef. 67 — Gennep

HET AANGEWEZEN ADRES VOOR:
Verbandartikelen. — Geneesmiddelen
voor mens en dier. — Borstelwerk
van vooroorlogsche kwaliteit. —
Chemicalien. — Breng ons
Uw fotowerk!

Tip-top verzorging en billijke prijzen.

VAL DE MIT DE VASTENAOVOND
THUS WAT KAPOT?

Mak Ow gen zorg! Wij levere Ow wer nej!

Wed. J. H. Mooren
NIERSSTRAAT 20 — GENNEP
Luxe- en Huisaoldelukke artikele.

VÖR ALLE BOEKEN GROOT EN KLEIN
motte bej ADRIAAN TRIENEKENS zijn!

A. Trienekens
BOEKHANDEL
ZANDSTRAAT — GENNEP

As ge en degeluk stuk op electrisch gebied
wilt kope, dat mit zal gaon tot de volgende
evacuatie, kom dan naor THIJ MOOREN,
Spoorstraat 121, Gennep. Schün tegen-
aover 't Kermisterrein.

Al is de zaak nog steeds kapot,
Wej herrijze heel modern ut 't schrot.

Th. Jac. Mooren, Gennep

HEDDE IETS TE BEVRACHTE,
HOEF DE NIE LANG TE WACHTE
GAOT NAOR WITTENAAR
DAN IS 'T ZO KANT EN KLAAR!

AGENTSCHAP
WEGTRANSPORT
SPOORSTRAAT 128 — GENNEP

Smeets
HANDWERK
GENNEP

BEJ HAKA KUN DE STEEDS ERVARE
VÖR 'T MINSTE GELD,
DE BESTE WARE!

A. Liebrandt
EMMASTRAAT 2 — GENNEP

AS GE OOI IETS MOI'S WILT KOPE
KOM DE BIJ ONS BINNENLOPE

Fa. W. Theunissen
NIERSSTRAAT — GENNEP

Mit den Vastenaovend hebben wij,
zoas altied, ons café lekker wërrem
en tappen en goed borreltje mit en
prima gléske bier.

Wimke Weijers
NIMWEGSCHEWEG — GENNEP

Besteed Ow vleischbon goed
Gaot daorum mit spoed
Naor de slachtereij van ROOB
Want den het steeds iets fijs te koop!

SLAGERIJ

Rob. Aarnoutse
GENNEP

Al hebbe we gen rüte,
Blief daorum nie büte.
Mar kom es binne lope,
Allicht kunde wa kope!

MEUBILEERINRICHTING
Hüp van Bergen
ZANDSTRAAT — GENNEP

Ennen taart van Michels den Bèkker
Smikt altied ève lekker!
Wej hebbe spicial Friesch roggebroom,
Daorvan worre Ow blage groot!

P. Michels-Arts
SPOORSTRAAT — GENNEP

Garage Janssen

GENNEP

REPARATIES VAN AUTO'S
EN MOTOREN

VERHUUR LUXE WAGENS

Laot ons straks wër alles lakke
En Ow kamers opnej beplakke.



SCHILDERSBEDRIJF
G. Wilbers-Drissen
HEIJENSCHEWEG — GENNEP

D. A. STAPPERS
GENNEP

van „De 1845” en de „Stad Rotterdam”.
Slüüt vör ullie alle verzekeringen.

VÖR WORST EN VLEIS VAN PRIMA
WAOR STET DRIEKUS ALTIED
VÖR OW KLAOR

Slagerij Hoesen
MASSTRAAT 10 — GENNEP

Mit de Vastenaovend
düt eenieder gek en zot
Nimt en gléske Heinekens
en blieft altied bej zönne pot

H. TIMMERMANS, GENNEP

Kaole zonder bon
Per mud en per ton
ien 1949 (misschien)

Fa. P. J. Geurts-van Bergen
GENNEP

Auto-, Motor- en Rijwielbedrijf

A. J. H. JETTEN, GENNEP

DE BESTE MERKEN VOOR DE LAAGSTE PRIJZEN

N.V. MAAS-BUURTSPoorweg
GENNEP - TELEF. 5

Hoop doet leven!

Wij hopen in 1947-'48 weer over zooveel autobussen te beschik-
ken, dat wij U niet meer per vrachtauto behoeven te vervoeren.

Ok dit jaor, ge wèt 't wel
Is 't wër goed ien 't HOTEL

Nöl en Piet van Piet van Nöl